



Si Nanoy na di Nagpapatawag

Teresita Ssen R. Petalio

Sharo M. Bandol - Pelingon



 The Asia Foundation



Matalino, masipag at maaasahan. Iyan si Nanoy! Lumaki siya sa simpleng pamumuhay kasama ang Mama, Papa at kapatid niya. Nakatira sila sa simpleng bahay sa gilid ng palayan.



“Na...noooo,” nag-uumpisa pa lang na tumawag ng Mama niya ay nariyan na kaagad si Nanoy.

“Ano po ’yon, Mama?” tanong ni Nanoy.

“O, andito ka na agad?” nabiglang tanong ni Mama.

“Maghain ka na ng kanin at kakain na tayo,” sabi ng Mama ni Nanoy.

“Opo, Ma. Tatawagin ko na rin po si Lina,” sagot ni Nanoy na dali-daling tinawag si Lina

dahil kakain na.



“Pagkatapos nating kumain ay ako na po ang maghuhugas,” sabi ni Nanoy.

“Huwag na. Ako na. Makipaglaro ka na sa mga pinsan mo sa kabila at hinihintay ka na,” sabi ng Mama.



“Salamat po, Mama,” sabi ni Nanoy, at tumakbo siya papunta sa kabilang bahay para maglaro.



Isang araw, nagising si Nanoy na hinahanap ang Papa niya.

“Ma! Ma! nasaan po si Papa?” tanong ni Nanoy dahil di niya makita ang Papa niya sa kuwarto at sala. “Napakaaga namang umalis ni Papa!” malungkot na sabi ni Nanoy.

“Nanoy, anak, maagang umalis ang Papa mo dahil kinuha siya ni Tiyo mo na magtrabaho sa malayo. Mga isang buwan lang naman o baka hindi nga,” sagot ng Mama niya.



“Di man lang ako ginising ni Papa!”
malungkot na sabi ni Nanoy.

“Nagsabi ’yon na
tatawag na lang daw siya pag nakarating na
siya sa pagtatarabahuhan niya,” paliwanag ng
Mama niya na nalulungkot din.

“Ang dami kasi nating gastusin ngayon, anak.
At para rin sa iyo ang pagtatrabaho ni Papa
mo sa malayo.”



“Di ba gusto mong maghayskul sa lungsod at mabili ang mga gamit sa eskuwelahan na kailangan ninyo ni Lina?” paliwanag ng mama ni Nanoy.

Di

na umimik si Nanoy. Parang nahimasmasan siya na nag-iisip.

Nang magsabi ang Mama niya na, “Hintayin na lang natin ang tawag niya.”

Dun lang umaliwalas ang mukha at napangiti

na si Nanoy.



“Sige po, Mama,” sabi ni Nanoy na naintindihan ang paliwanag ng Mama niya. “Tutulungan kita, Ma, sa mga gawain dito sa bahay. Ako na po ang maghahanda ng mga paninda mong meryenda.” Pagkatapos na sabihin ‘yon ni Nanoy ay tumalikod na siya. At kinuha ang nigo na nakasabit sa dingding. “Ako na niyan. Mag-aral ka na at gawin mo na ang assignment mo, at tulungan mo rin si Lina sa mga assignment niya,” sabi ng

Mama niya na nagsimula nang magtahip ng malagkit na bigas sa nigo.

“Ma, tapos ko na po ang assignment ko.

At tapos ko na rin pong tulungan si Lina sa assignment niya,” sabi ni Nanoy na kumakamot sa ulo.

“Maglalaro na po ako, Ma,” sabi ni Nanoy na tumakbo palabas ng bahay nila.



“Na...no...”

Di pa man tapos ang Mama niya sa pagtawag, nariyan na naman kaagad si Nanoy.

“O, bakit narito ka na kaagad? Ang liksi-liksi mo naman!” sabi ng Mama niya na namamagha. “Tapos na ba kayo ng ginagawa ninyo ni Lina?”

“Opo, Mama,” sagot ni Nanoy.



Araw-araw ganun na ang naging ugali ni Nanoy.

Lagi siyang alerto sa pagtulong sa Mama niya. Maasikaso rin sa kapatid niya.

Masipag mag-aral. At kahit nakikipaglaro sa ibang mga bata, palagi siyang alisto. Iyan si Nanoy, ang batang di-nagpapatawag.



Kinaumagahan nagyaya ang mga kaibigan ni Nanoy na mamingwit ng isda sa lawa. “Nanoy, di ba’t matagal mo nang gusto na pumunta doon sa lawa ng Bato upang mamangka at mamingwit ng isda? Tara na! Sama na kayo! Kasama ko si Papa, mamamasyal kami doon,” alok ng mga kaibigan ni Nanoy.

“Gusto ko sanang sumama ngunit nangako ako kay Mama na tutulungan ko siya sa bahay,” malungkot na sagot ni Nanoy.



“Na...” Di pa man tapos tawagin ay maliksing lumapit si Nanoy kay Mama niya.

“Opo, Mama”

“Anak, tumawag ang Papa mo, tapos na raw ang trabaho niya kaya uuwi na raw siya bukas. Pag-uwi raw niya ay sabay tayong mamamasyal sa lawa ng Bato para mamingwit at mamangka. Alam kong matagal mo na 'yang gustong puntahan,” masayang ibinalita ng Mama ni Nanoy sa

kaniya.

“Yehey! Yehey!” sobrang nagtatalon si Nanoy sa kasiyahan.



Alas-singko ng madaling araw ay nagising na si Nanoy. Pakakita niya kay Papa niya ay niyakap niya ito ng napakahigpit.

“Salamat, Papa, at nakauwi ka na,” masayang sabi ni Nanoy.



“Nabalitaan ko, anak, na tinutulungan mo ang Mama mo dito sa bahay, kaya ngayon ay pupuntahan natin ang matagal mo nang gustong puntahan. Mamamangka tayo at mamimingwit kasama ang Mama mo at si Lina doon sa lawa ng Bato. Diretso na tayong magpipiknik, at pinapaluto ko ang Mama mo ng paborito ninyong ulam ni Lina na pikadilyong tilapya at gulay na laing.”

“Talaga, Papa? Yehey! Yehey!” nagtatalon si

Nanoy sa sobrang kasiyahan.



Namasyal na sila doon sa lawa ng Bato. Sumasagwan ang papa niya habang namimingwit naman si Nanoy ng isda kasama ang Mama niya at si Lina. Halos di na mabura ang ngiti sa labi ni Nanoy. Habang nagkukuwentuhan sila doon sa bangka, napasigaw nang malakas si Nanoy. "Isda! isda! isda!" sigaw ni Nanoy na pinagtatawanan ng Papa at Mama niya. "Ano 'yan, Nanoy?" tanong ng Papa niya.

“Nakahuli ako ng isda, Pa,” mas lalong nadagdagan ang kasiyahan ni Nanoy.



Masaya si Nanoy dahil nakompleto silang magpamilya at nakamit ang matagal na niyang gusto, na makasama silang mamasyal doon sa lawa ng Bato.



Nagpatuloy ang Papa ni
Nanoy sa pagtatrabaho bilang karpintero sa
iba-ibang lugar, kaya nakapag-aral sa Nanoy
sa siyudad at lalo pang nagsipag, hanggang
sa lumaki siya na di nagpapatawag.



USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was developed as part of the ABC+: Advancing Basic Education in the Philippines project. ABC+ is a partnership of USAID and the Department of Education (DepEd), implemented by RTI International together with The Asia Foundation, SIL LEAD, and Florida State University.

This book was quality assured by Salvacion Magistrado, Franlie Ramos-Corporal, Sharo Pelingon, Cheryl Tabarangao, Maureen Guadalupe, and Grace Rabelas, and was approved for publishing by the Department of Education Region V – Bicol Learning Resource Management Section (LRMS) of the Curriculum and Learning Management Division (CLMD). This book was field tested by

Mary Rose Sanchez.

This work is licensed under the Creative Commons Attribution-NonCommercial 4. 0 International License (CC BY-NC 4. 0). You are free to copy, distribute, transmit, and adapt this work but not for commercial purposes and under the following conditions:

If you copy and distribute this work in its entirety, without making changes to content or

illustrations, please label the work as follows:

“Reproduced on the basis of an original work developed under the USAID ABC+: Advancing Basic Education in the Philippines project and licensed under the Creative Commons AttributionNonCommercial 4. 0 International License.”

If you create a translation of this work, please use the following label on your work:

“Translated from an original work developed under the USAID ABC+: Advancing Basic

Education in the Philippines project and licensed under the Creative Commons Attribution-NonCommercial 4.0 International License.”

If you create an adaptation of this work, please use the following label on your work: “This is an adaptation of an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4.0 International License.”

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story


Si Nanoy na di Nagpapatawag (*Family Apart, Family Together*).

Author: Teresita Ssen R. Petalio. Illustrator: Sharo M. Bandol -

Pelingon. Contributor: USAID's ABC+: Advancing Basic Education in the Philippines.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2023. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Dharyl Mae Degara